



西齋甲戌詩

興化王仲儒景州著

秦州周 冕繁露 江都卞恒久夢齡

元日和舍弟

信然詩是吾家事正日繽紛到眼來兄弟白頭鄉
縣聚風光青帝海天開生涯只望歌華黍客路還
應傍遠梅六十已過宜作樂追思腹我獨心摧
匆匆送歲疲心力計日元朝到始閒纔趁雞聲然
燭坐已聞人語進香還榦枝重檢初生曆暄暖全

舒旣老顏霽色小窗花氣聚餘年斯意最相關

見月

細雨霏微灑徑塵步檐喜見月痕新纔經晦朔潛
分歲已挂西南側照人風露夜遙空去去關山寒
徧漫頻頻旅懷漸逐梅花發依約汀烟柳岸春

人日

燮理馮誰問沈陰忌辰三公金作勝七日雨愁
人未見瘡痍復何當札厲新柳條全漏洩還只說
迎春

俗爲幘頭象簡官人綵勝

開歲

開歲但閉戶小堂花茗幽衆香堪送老不醉亦忘
憂舊草繙書櫃常餐旨束修人生各適意得此又
何求

端居雖自適比舍有餘哀大澤聞鴻響高車見虎
來地中仍浩浩天道太恢恢聞闔何曾鎖霾雲苦
不開

寄詞臣李氏

竟使歸懷遂虛防水腹堅泊船剛隔日閉戶送殘
年客至看花坐窗明展卷便感君頻作計探篋已
無錢

直占高齋任翻疑主是賓滿傾良夜酒一別遠郊
春此日憶如夢深情誇向人營巢若不定相傍恐
還頻

自信忘年好相於積日深途遙看綠髻計左賤黃
金典籍分曹課風騷抱獨吟故人無一善樸直託
知音

十六日大雪

欲曉窗先白人來側枕聽高高平砌上颯颯滿衣
零照室催爐火飄帘思野亭寒威雖復甚令豈自
玄冥

坐憶猗園讌臨山看雪辰大都開歲事復是壯齡
人槐院歸華燭糟牀滴老春笑傳筵卜好歡我白
頭親

荏苒前因逝吾衰復道窮打水迎急雪分日灑孤
篷歲改郊扉外春生驛樹中家居聊稱意促鄰竹

爐紅

直到春纔降如防臘易冰策藤行喚弟沽酒坐然
燈日御埋孤照城陰點數層若教元旦見也合兆
秋登

送老渾無賴全家望有年稀疎剛種麥雨雪又浮
田穗想垂垂秀窗聽點點懸萬端歸定分百慮已
徒然

四序兼人事乘權問所宜威弧弦欲控節斧柄須
持陽破窮陰日水生解凍時芳菲羣艸樹莫便侮

虬枝

洞壑當年白春暉客裏樓一冬空望雪百里獨牽
愁生意梅先動寒光晚欲浮據梧頻假寐偏不夢
揚州

世事猶稽故迷途未發蒙浮雲多在北朔雪轉從
東屐脫荒庭滑杯乾小坵空兒曹爭鬣鳳費盡累
山功

寄懷豁庵禪師

剝竿西社倒蒼烟覲面全輕浩劫賢藻待春湘悲

別日梅檀宵禮憶童年周妻何肉餘生恨虎穴龍
潭着處禪野水霑空雲影亂衰容斜倚暮愁邊

贈徐西泠少尹

窮壤流亾有歲年我皇從未惜恩蠲嚴霜烈烈
嗟非罪野水茫茫說是田坐使豺狼橫道路飽霑
膏血潤金錢憑誰灑涕陳軍府援起溝中待大賢

寄大村都門

論詩喜受直言難同調深懷密友權一別年新傳
信遠孤城陰晚坐春寒生花復有江淹筆搔首曾

無貢禹冠老辱泥涂收不得若爲分照在長安

寄繆淑篋南沙

柳風梅雨憶相於日饌東瀛跋浪魚五月去津難
挂席三冬來貺遠隨書垂竿歲晚人誰問閉戶春
陰酒亦疎近水雕闌晨夕憩賓朋高會比何如

花朝後二日雨霽鴻研齋觀梅同西泠少尹

蒼崖廣文諸公分賦

地主張筵展古懽天風散雨坐微寒興移淺夜月
初上開遍繁花春未闌忽過酒邊香黯黯若當江

外雪漫漫吳山越嶠神仙吏薄醉徘徊倚石看

和荅南沙繆震山

好事諸公健爲歡彼一時赤荷初貼水青髻總能
詩發興春無恙經心老不遺所親把佳句示我見
相思

憶昔行示李含菴久菴兄弟

荒城遊觀地絕少北惟詹公讀書臺下臨滄波號
海子厥初浩淼困泓開故老往年向余說峭帆曾
見東西來自從園圃占水面魚龍偏側空銜哀累

石成丘洞壑具繽紛梨杏桃李梅依綠園中序鴻
雁論文放筆皆妙才延青小閣宜眺聽我昔賞詠
登千廻將離吐艷幕天坐斜暉楚將山邊頽狂呼
起令指空碧如逢一舟酒一杯須臾榜人絡繹出
觥籌飛墮猶驚雷賓朋才力旣強健家家又復饒
舊醅升斗提携恣旁魄起網笑挾鮮鱗顛離疏釋
躋竟無分骫骳疲茶紛戕摧長者淪亾少者老儵
忽遞變乃爾哉杏花樓頭元又樓名却東望池塘雖在
豐蒿萊追思不覺泪承睫世事可柰流光催廷尉

林亭本曠奧垂楊拂地遶宅栽杏花水明久庵樓名故
競爽花徑窈窕縈莓苔招邀永晝復永夕親串交
好無嫌猜幾時會營數間屋沿流種柳城隅隈與
君兄弟日爲樂盈懷莫待歌瓊瑰

適齋梅花盛開

未惜衝泥遠來看一院花密能禁宿雨香盡滿隣
家濁酒朋簪盞殘宵天鏡斜賞延如不厭數過荅
年華

徐少尹過

荆扉近市關清晝水驛濃春待老翁苦束裝囊行
復任愧供魚菽久還空高軒數枉華簪外款語頻
申儆帚中何意蒼生承大澤頓令哀壑轉和風

哭冒巢民先生

黨魁雄俊在當年姓字膺滂漢代賢黃髮人今眠
永夜白門烏久落荒天飄風草木昏昏過列宿東
南莽莽懸寂寞神州遺老畢傷心不獨故情牽

九州大道歎塗泥布護園池遂隱栖壯節迴尋漚
鳥去濃春私拜杜鵑啼珣珉少已成名士松鶴間

猶課小妻不忝得全堂上額雲間宮傅手親題
制作生平萬卷餘去年酬酢匿峯廬輕寒罷酒僮
相問竟夜微吟病自如海畔不忌浮鷁路床頭方
出戲鴻書豈知迢遞將雙泪灑上含風縮項魚
屬寄風編

追隨一月尚畱人垂別吞聲執手頻是日寢門風
慘淡孤舟寒水意酸辛耄齡算去知非遠凶問傳
來願不真眼底總惟苴杖出忍持雙壁哭殘春
真成會面此生違南斗高巖不可祈一老天遺空

復望四方賓至失如歸深情厚我無新故泛愛從
人有是非宰木漸榮華表峻何年城郭反丁威
長潛恭捧卷中詩心絕霜天手授時江海波瀾何
壯濶雲霄星象祇迷離遠分夜火含悽重親到泉
臺報命遲萬古人傳名節在非徒載道有文垂
上已旣庭廣文招西泠少尹蒼崖廣文集海

光樓

荒城四面俱春水無地堪爲勝日遊菜圃少黃休
汎棹柳塘微綠試登樓馴來鴻雁暄能任遠放鷗

鷓晚自浮借問今朝新解禊向來飢毀得除不

同諸子携酒集槐江花下

唐翁臨發花分餉我拜辛夷汝海棠霽雪荒階辭
碧樹濃春高館出紅粧天清恰喜風無力人醉渾
疑夜有香聚散驚心榮悴異只應狂笑送年光

三月十七日出門示兒孫

夢回不自得今日當出門出門非異事身老懷丘
樊所如雖近縣歸期難豫論亦無可圖謀終歲疲
心魂田疇少生理蓬蒿偏畱根閉戶徒仰屋愁見

羲御奔先業已凋落一綫斯文存壯述飛騰路頭
白童然髡舉眼望寥曠庶有佳兒孫天池鵬雲垂
其初北溟鯤匪惟聲實著固將慈孝敦他時我大
去持報 祖考恩

訪周繁露

重浮北道烟波艇一別東亭十四年節序春佳嗟
又暮容顏吾老見應憐思邀墨綬黃金去笑擲霜
毫白日眠問訊故交都好在剡丘羈客信初傳頃
始得陳式萬京師之信

與北平周匏耶卽別

周善書

與府神都客逢迎東海西遠行隨野鶴高卧警天
雞五嶽支笻失三山采藥迷自傷鄉縣任垂老亦
羈栖

目盡當時彥懷深絕代風世間神翰少高處古人
同乍許來窺豹何堪共戲鴻預知纏別緒愁望故
園東

留別繁露

細雨繁花舊夢中再來吾已是衰翁屠龍却悔隣

青海養鶴長憐睨碧空老絳塵緣行得得貧牽物
役去匆匆早知高會明年易大有春燈近酒紅

期

以來年元夕後來

周有二鶴

立夏日中酒與宮半村

今春此時去把曆步前庭老日舟頻汎疎風酒不
醒有家如菱舍無力製茅亭悵悵年光迅悠悠任
所經

才俊吳陵客爲歡隔兩霜又翻碁局笑未讓酒人
狂世路遮青眼生涯向白楊無心策高足獻賦爾

曹當

與廣林上人

曲水僧蘭靜高林佛日懸向來曾小憩歸去憶中
禪上人所居一稱小寺塵落平陽院香薰堯率天相逢談舊
隱心絕斷崖邊

余文賓席上醉後作

閉戶真防俗客來卷簾偏喚倒深杯兩番泥飲無
多日辛苦林花盡興開

鶯啼花落又春殘計日扁舟老客單爛醉出門翻

不樂此生冬分再來難

題冒文博齋

布護多幽趣枝撐借小山巷深塵事少扉掩壯年
閒坐卧吾常得烟波客定還遙憐葭菼外心挂此
庭間

冒無譽席上贈別

昨年首夏南沙去旅泊東臯此一時老客追歡渾
暫住名花翻艷亦將離遠浮烟艇乘風少倦反荆
扉計日遲入眼團圞紅蠟下含情漫覆手中卮

哭秦來劬

分手寒霜歲又新
傷心長別在中春
迷茫雨黑花
明夜零落揚州一酒人

回首論交十七年
往時賓從散如烟
頻來郡郭惟
君在憶話前遊各惘然

壹飯稱兄忝亦宜
蹉跎臨老罄追隨
頓教黃土千
春卧不獨青冥兩翅垂

日日經心汝病催
舟船發歲獨難開
迷離春夢頻
千里不到揚州永訣來

金大秦三好弟兄
故新鬼錄判平生
壽安寺北官
街靜無復更闌點燭行

輓許睂右

不分君無祿如今
我尚疑生當方壯
日死度日強
時賜筆沉鵠列趨
庭阻鳳池空餘兩
行淚霑灑見
懷詩

著作而翁富臨岐
屬鮒生一燈容校
讀千載託同
聲省覲寒天待飈
塵驛路驚悲吟報
光祿念此倍
傷情

病起見月

一卧昏昏癯夕晨敢知幽壑見陽春
閒階試策風前杖片月重隨病起人
已脫危途心轉悸深憑弱息笑相親
餘生萬事蒼天在白首蓬蒿夏令新

五日

旅力無由得再剛支離翻厭晝陰長
一朝病減逢蒲酒五日寒深坐草堂
蘭蕙又森臨檻碧枇杷誰寫滿籠黃
經心十載高歌地翠巘洪濤送夕陽

答凌蒼表弟次來韻

客中往往獨傷神安隱途遙不辨津
暮齒轉忘三品藥沉疴因醉幾重春
心悲世事催餘曆手定醫方拜至親
我起匡牀君色喜詩來也滌硯池塵

黃惠臣書來

遠煩良信問荆扉病裏開械對晚暉
泣血本殊投効去經年未得挈家歸
吾衰觸熱難爲客士老懷居未可非
他日過從身稍健大都江月上秋衣

閏五日徐西泠少尹招集海光樓分賦

今日憑高望炎天此再中流光真眷眷
垂老不匆

匆背郭臺臨北扶桑并在東龍分新過雨蛭響舊
隨風四野嬉堯力三農拜禹功交親文酒合節序
賞遊同果落菖蒲翠花傳菡萏紅抱持來稚子涓
滴讓衰翁俊味霑輿隸晴曛半蝦蟇尚餘絲竹韻
迢遞遶層空

閏夏雨中

大野川難逝皇天雨未多堯仁猶試鯨稷事半無
禾聞說水星照愁連里舍波新栽數花樹漫惜影
婆娑

病中雜咏

首夏行江村三五夕帆落余適欲還家微疾亦復
作世路誠險艱所歷頗驚愕乾坤有深山哲人早
栖托雲中莠嘉實霞標拾大藥順時夫何求保已
自無忤諒不廢嘯歌夙夕耽此樂

余始知愛身諸病遂麈至乘虛肆攻擊欲爲余不
利疲欲元化虧飲啖中焦泥倉廩失其官推陳莫
能出月令移朱明凍雨盛陰氣稍喜呻吟輟昏昏
但孰睡竟失五夜長猶感二豎義不在膏肓間容

吾覓良齊

伊余所大患有此儻然身其內肝胃病外則疥癬
頻外內不得養張單亾其真炎天抱煩鬱呼吸無
液津錯迂生世緣爲夢欺元神形開眼猶黑反側
氣不申計日適下弦缺月尚半輪何愛殘夜光不
照長嘆人樊籠閉野鶴憔悴非能馴

曳杖行中閨忽然多所失我當四十時承歡亦有
室荷天方具慶奉命始遠出一門無二心萬事頗
如律瘦妻潔餐膳不離慈母膝如今老眼瞠高堂
蕩陳迹殘生剩孱軀不改惟風日心酸涕承睫永
痛何由畢

夙尚在山泉當暑益懷想可惜初生時誤墮此荒
壤曾不產片石惟見川流廣汎汎鳧鷖羣瑟瑟
蒲長朱華冒其中涼露接葉響擬置孤茆亭馮臨
騁游賞或買小蜻蛉興至自搖槳故鄉亦復佳貧
乏令心快

永晝無所爲耽吟乃結習家人恐勞神再三戒勿
亟嬌女尤善伺潛藏紙與筆又勸少觀書遂欲余

面壁朝暉西軒動坐送崦嵫日老日來不多分陰
固當惜微風吹庭樹青霄散雨色偃仰句復成孰
察吾淵默

飲食與男女生人之大欲大欲致大惡歡娛接悲
哭早衰少忌戒失節厚滋毒顧茲羸老軀何堪累
口腹衝波舟折檣陷淖輿脫輻猶然賀無恙起坐
敝茅屋魂氣遠遊迴元精幾時復今日聞故人匆
匆赴岱籙傷哉二三子零落半就木絕無他計逃
足見此事促不有令名垂空嗟墓草宿

寄郡中諸公

衰晚惟應日閉關近來多病體新孱竟之帝所聞
鈞奏欲覓人銜似大還飯顆相逢煩借問酒場爭
霸杳難攀良朋望我如春雁未到秋生見定慳人
銜獲也

寄懷唐崑麓

心悲隣比多年聚迹判寒暄過日長名飲更誰嗤
客醉高花猶自傍吾堂携家假館琴書窄失路還
山意緒荒我入朱炎苦衰疾君今黃髮倍康強

枕上作

獨枕迴殘夢閒門過四更涼風亦已吹促織尚無
聲老病兼皮骨荒天半晦明只應耽白業千慮一
燈清

七月二日爲楚珩作

徂暑昏昏惟晝眠今晨看雨北堂邊黃鐘恰王中
央土赤帝初賓少昊天肺熱累旬杯酒斷心孤遙
夜燭花偏逢辰幾度吟詩贈衰健驚分此一年

與蔡半嘯兼別

交晚傾心早鄉遙會面難片帆能到此終日笑相
看水市登青茭秋庭放紫蘭無爲動歸思一別路
漫漫

春船通射雉道近欲相尋一病催歸急孤城偃卧
深北窗天悄悄西崦日駸駸不是情人過何由展
寸心

可恨君來日當吾斷酒時雨吹秋正爽燭舉夜還
遲未盡馮陵典空爲浩蕩期寒天蘓肺氣再共倒
金卮

十日猶堪任胡爲別我行老來歡會少親在友朋
輕信宿湖東路波濤海右城亦知頻鼓柅此際不
勝情

送繆鐘如歸南沙

往者吾爲客住君池上亭荷香隨棹至鵲唼下床
聽行李投祠廟帆檣宿水汀貧家無別業慚愧短
籬扃

最愛三塘陸弱齡能咏詩似君年更少佳句世爭
知歲月深鸞嘯兒曹託兔絲高堂問北道爲我飾

卑詞

謂陸耆卿

七夕招解叔友看蘭去年此日同送吳大兄

於秦沙

蘭爲張芳傳所貽

中兄北騎發新秋昨歲南村聚小樓問遠久惟憑
去雁追涼今又看牽牛婚姻情好宜頻過禮數交
疎頰自由盡敞軒窗對花樹紫莖綠葉暗香浮

我昨籃輿天畔迴盆花携到小堂栽一寒草草離
披盡七載青青爛漫開今日故人還見餉秋星佳
節復銜杯巡檐細看孤芳色遠帶江郎積翠來

題遞西道兄小像

畫葉裏松子僧前落

見相曾非相虛空復此圖幾時拋柳標絕境落脚
跌馬糞人猶記猊幢汝不須還能拾松子休得鉢
糧無

寄荅范石湖

老夫病裏吟佳句欲報高懷久未能近日心神渾
索莫清秋肺氣尚乘陵客遊縱好愁移棹夜夢無
成畏點燈料得殷勤數晨夕江霜初落倘相仍

贈故侍御鄭公子其五五十

今日揚斯爵無煩覓令名先公取大義百世有餘
榮歲月中身度滄桑老客驚滿堂稱壽者只解說
康成

寄其恭詞臣

兩君以葭餉我

探囊吾友正蕭然書到同心念暮年藥物採山渾
掃跡辭章干世不名錢貧家事滿涼颼裏老屋人
醒落月邊薄曉鱸魚上城市寄來煩覓酒杯傳

秋感

六十支離頭白翁感懷無復及窮通丹霄發響悲

孤鳳黑夜爭光歎百蟲盛世隱淪渾泄泄高春堅
卧不匆匆平生結習殘書在強記連朝卷未終
少壯端能笑老蒼迢遙千古未應狂西頽日影經
秋短東下波聲到海長縱有名垂非面貌果然身
賤累文章不知數紙流傳去誰向荒塗蕪瓣香
蒼蒼柏子起崇柯老屋秋頻蕩槩過雁鶩又拋南
浦粒蛇龍仍舞北荒波居人分定犁空澤使者功
惟壑下河暑濕苦遺滂沛雨幸存高隴漸無禾
少府西涼報量移太行東畔數瓜期五陵秋氣來

蕭槭萬里鈴音落秀支登第人多黃閣老還朝晚
得白雲司金臺此日名空在馬骨遙憑裏向誰

謂
張蔚生先生

烏鵲宵迎天女孫秦亭官路野風昏顛毛各白分
鄉縣秋草重青望國門老瘦日增人久病汗邪歲
惡水長屯周親一別頻搔首吏道多端正斷魂

謂
吳北海表兄

牛車伊昔向京華冀野風高席帽斜宮漏曉催千
帳箭邊聲秋徹九門笳中朝舟楫閒該輔別館臺

池拱大家送喜時時聞噪鵲掖梧陰滿散鳴鴉
轉轂班班兼汎舟委輸連歲上雍州算緡多處皆
鹽鹵用谷量來盡馬牛在野雜開通籍路專城真
拜富民侯驚心搖落餘荒逕亂長蓬蒿歲月流
老困鄉園日更孱孤筇兩屐負青山名僧遠愧初
求道高士全輸善閉關著述滿家成底事星霜換
節送衰顏秋風未遣開門冷吹放叢花繞砌班

唐崑麓自郡至十五日徐槐江携酒

井華新汲洗罇壘一笑多時罷舉杯今日故人如

不到孤城好月爲誰來情懷簡易窮交得風露微
茫短漏催忽憶宵闌醉西舍廢巢無燕首空迴

中秋

雨氣銷連晝今年月最明老夫猶肺熱濁酒看人
傾語間蟲喧砌更深露滿城長懷宿山店孤鏡絕
峯生

九日

眼喜疎櫺白心驚隊葉黃百端纏晚節一雨失重
陽慰老西成薄投人北道荒春船葭菼路早已颯

新霜

戒途

索居遂滯滯首夏及秋杪戒途昏曙間就我舊朋
好我方養疴時錯料行尚早湍駛天光流微霜倏
催曉鴻雁自北來辛苦歷遠道荒鄉非樂國水濶
稻梁少江介寬浦沙呼羣庶相保燕雀爾何曹鳴
逝徒佻巧

張山來招集西園送秋

纔歇輕裝東郭東便隨高會北園中夜霜漸重青

林薄賓雁都來紫塞空舊好殊方連落日歡塲止
酒怨衰翁水鄉未秩西成事少昊無聊任轉蓬

劉俶載席上送周价人教授常州

霜秋來江城讌游日相繼劉侯疎快人是我心所
契清晨過其宅有客亦俱詣頎然見標格儒者善
裁制邂逅賓筵初披豁坐談際廣文二十載一瓊
尚匏係山縣士氣麤當官慎和濟黽勉脫疵瑕異
俗今始離夙抱匡世資焉得行謁帝量移匪輸粟
速化固無例豈好爲人師天門望中閉毘陵好學

舍弱冠曾小憩李繆兩名賢貞石雲霞衛彼皆文
苑秀志節在季世君在集生徒幸援先民勵朝廷
求俊彥庸詎但工菡敬藉故人卮贈言類附贅烟
帆去疑葉沙嶼浮猶薺他年舟楫身且試頽瀾濟
爲吳象采賦菊殘猶有傲霜枝

節入凝陰西帝迴風林高葉已爭摧滿籬艷減香
難盡薄曉寒多榮自開未許移根歸瓦缶還堪炳
燭漾金杯落英却憶繽紛日我似賓鴻獨後來

飲唐盛唐宅用魚字

全伯升東湖夢齡及舍弟夢齡最少且初識也

近喜高齋傍客居杖藜聞命不踟躕歲寒老友傾
懷久交晚詞人發興初列炬全欺遙夜月烹鮮大
勝裏湖魚半酣雜誦新詩句二妙多才並起予
唐之二子次衣序皇詩文皆善

寄 紅蘭室主人

飛來鳳紙日邊紅霜晝春生旅屋中萬仞雲霞標
帝里九天珠玉潤王風瑤宮繡闥攤書對酒客吟
僧布席同自昔名藩多禮士烟波殊有釣魚翁
關山南北路漫漫凍榮枝疎雁影寒野老衰容垂

白雪江天佳話入紅蘭詩憐警策廻環讀地絕塵
囂縹渺看 聖代多方揚側陋離疏獨有小儒難

別舍弟

蕭蕭擁書坐吾弟雨中來老日同羈旅曾城判往
廻一從杯酒斷孤負燭花開未暮俄相別吟詩意
自哀

送根潔禪師西上卽赴京師

家園至日年年隔特未蓬飄到異鄉曉色動扉先
卜歲風威吹野竟無霜薄田積浪冬還濶孤館畱

人事定長走送惠休蕭寺去多春禪榻感茫茫

雙林龍象東山墅昔擁毘陵大導師少日已叅方
丈裏君年猶是未生時香花散後寒鐘在琴劍來
頻老樹知夏臘崢嶸人事改非緣判袂重淒其
君今杖錫還西上一過家山便北行佛日滿懸車
馬路江雲高覆魯齊城百年人老原無用千首詩
存尚有情辱在泥涂遭 聖代嬾傳書問到公卿

寄夏用修

伊昔勞書問相逢何太難計程江一葦垂老事千

端見說中都去來尋散木看索居方水國良會杳
漫漫

有感

明燈散詩書隱凡以長歎驚風撼林木浙浙窗戶
間年衰怯幽獨迫此冰天寒出門秋始晏淹留歲
云闌所如多貌合靜念恒寡歡素琴非不張賞音
爲誰彈中夜憶疇曩惻惻興千端

波濤起高原險艱生中遠人心如其面世路不可
知達觀理則恕異體情因睽好惡一以遷雖我亦

屢違酒食困厭飫葵藿甘斯飢昔日席上薰今日
爨下炊裘葛皆我須取給良有時自非泯殊相焉
能和天倪

崑麓新有宅

暢月寒輕過雨初先生琴劍就新廬濁醪隔屋曾
頻問老日流萍始定居坐滿賓朋羞婦饋窗添燈
火課兒書可憐海縣栖遲地霜壓冬青里巷虛

補吳象采菊殘詩

已有前作偶失之

高齋至後黃梅放尚欠凌霜菊樂詩叩戶憶過重

九節開軒驚綻兩三枝落英舊摘如相待賓雁初
逢更不疑今日老根何所託閒循苔徑到東籬

送黃白山歸黃山

翩然揮手故山來幾度追隨遂却迴濁俗波流身
老厭高帆霜滿歲殘開龍潛天末雲爲海蛙亂池
中却有灰采藥休教滅詩興軒轅此日亦空臺

閔大臨生日

江天逢暮冬初日上庭樹老夫寒嗜臥昨夜巾履
具呼童起趣駕出郭南東去晚交得閔侯披襟見

真素芳時杯酒間欲語靡弗吐佳兒丹穴姿干霄
拂其羽孫枝並蘭茁長者婦新娶續紛華英叢樂
豈光景駐惟君克象賢弓冶本根固河源龍門來
滄瀛浩所注至德神明欽高義童稚附我從諸郎
遊肝鬲亦久露途窮資良算心賞把秀句耆年慚
先登臘月會初度淹遲不成歸此辰必吾遇呵凍
揮弱毫老眼蕩雲霧

卞夢齡招同東湖盛唐及舍弟吳遵王張印

宣唐次衣序皇卞之弟八椿分韻

薄曉衝寒郭外行到門霜日下檐平階前野鶴如
童子坐上江鷗像友生碧酒通臍愁緒失青年滿
目老懷驚還須好句酬良會幸不當筵刻燭成

偶感

鏡中衰草是霜髯風振枯林逼曉嚴老態人憎渾
落落小言自悔但詹詹梅花近火香纔動藥物投
壺酒未添比日報章都斷絕誰云將字換吳縑

贈方安止

腐鼠挂蒼梧烏鳶攫相攘丹鳳過其間矯翼儵孤

往皇途本清巨士氣故森爽西邸忽中人南國紛
鞅掌拜爵羅少俊發跡謝塵埃冠蓋舞交衢鮮華
互爭長署名楮墨費動憶裘鞞晃儒生披敗褐著
處得做罔方侯乃高睇平地青峯上郡倅恥弗爲
徒步侶吾鄙書刺絕璫細下士纔堪放積學殊年
載大筆愜吟賞欲然求友生麗澤資技癢湛深歸
三策嘹唳奮一響雖復公卿尊未敵甲乙榜王賓
曾結歡分薄固莫强契濶俄十霜卽事空憶曩今
冬頻接近招邀早蒙枉雅知襟期異足見器識廣

贈言剪寒燈健美非溢獎我有滿篋詩常恐委叢
莽初非干時具衰白但心快

贈卞夢齡

羲御萬古馳次舍物皆見雲去卽經天垂光異朱
電閃爍無端倪徒令衆目眩陽曜真宰心纖翳固
莫點交友吐肝鬲本與俗情遠自非高明人焉用
締深眷卞郎忠貞喬英妙邦國彥睂宇旣疎朗質
性亦厚善算齒我倍增今年始識面清製絕秀發
過愛比親串名酒爲滿沽俊味豈常膳知我愁詠

多料我庀工欠迢然脫兼金歛爾刀筆繕平生乏
長技茲事敢云擅心腎枯雕鏤頭毛颯霜霰敝廬
臨東門白屋閉荒縣却就江城居飄飄愧書劍須
求一枝寄漫喜兩脚健暫止終恐離秋風逝梁燕
唐生向余說劃若捺左驗發歲疇因依辱蒙吾賢
念息憩庶栖遲羸老忽懼忤四節方乘除羣木漸
葱蒨浩歌緇衣章衰軀未爲賤

送朱其恭入都赴中書舍人選試

慈母新縫遊子衣貧交行餞遠郊扉青霄琴劍隨

春色紫禁絲綸在夕闈鷺序遲借三殿入馬塵高
拂五雲飛 聖朝多士由來盛雄俊如君恐復稀
與卞畋如

豈知泥濘來相命便已心傾會面初弱歲執鞭名
父後高齋燒燭晚鐘餘天寒轉怯深拚酒眼暗猶
能細作書枉索新詩春已近夜和歸思倚前除
摧藏用等躡虛名昌歎偏甘到鯁生丙夜畱人君
已醉丁年愛老僕應驚論文欲展霜中月送歲須
歸水上城最恨樽前渾却畧向來杯斝爲誰傾

頽齡無計戀荆扉發歲扁舟到不違敢擬湫龍移
宅去愁看江燕覓巢飛周旋賢主經時久酬酢良
朋麗澤稀底事煩君共區畫人生投分便因依
卽事

冰天幾日又青陽百慮縈懷歸計荒寒重有誰看
缺月夜分獨自立迴廊花陰歷歷和更轉人影蕭
蕭過檻長小僕夢醒來迫促頽年未可冒嚴霜

除夕

歲除誰益壽見大竟催人老定匆匆送窮難事事

新椒盤供淺夜蓬戶帖宜春日月常弦望能無此夕頻

此中交味...
木天...
...

西齋乙亥詩

典化王仲儒景州著

世姪程肯堂翼齋校

元日漫興

人心有故新天道自常運豈因四節始特遣陽烏
奮欲曙星尙疎已晨雲滋蘊蓬門古禮存少長率
先訓老夫不能閒開卷亦吾分寒多雪漸作倦來
几時隱堅冰滿津途三日反自郡蒼烟一以隔健
步何由近

此身有所歸堂室非吾家達人知其然對酒常高
歌開軒集雅故索笑送歲華百壺傾清夜旣乾還
復賒一醉天爲徒萬事如我何無端肺生疾涓滴
歡有涯醒然不能狂把杯更咨嗟

顧瑟如生日

在去年冬

百年中六十賀慶亦驚神君此初逢日余爲先

去

聲飯上聲

人低頭思壯節仰面問何辰客路俱相

待生涯足苦辛

有子酬廉吏無錢肖乃翁滄洲塵坱外好手顧吳

中態絕人難學羣超馬盡空虛名詩句在未必異
時同

四海稱兄弟多春見汝心家門蒙計畫疾疢拜規
箴老屋孤城隔天真一往深袈裟將阿季世外復

知音

謂令弟
遷西

虎脊三男子騰驤個個殊皇天容汝得上駟看人
無早脫傭書債堅辭縱酒徒承歡追祖德踵武慰
桑榆

寄答南沙繆震山

扁舟犯雪歸荒縣薄暮登堂見遠書海色正迷投
浦雁河水將上在潛魚詩潛有多魚故人記憶炎蒸聚
衰疾徘徊歲序除散步城頭吟秀句東南極目水
雲虛

與山右趙月階

蔡侯半嘯吾執友書到說君賢近海分微祿居官

已八年關雲迷雁度官樹待鶯遷况復兒郎好吟

詩送客船

趙之子震六能為詩李西駿阻水西塲與之交

小盆梅花

尤物情所耽分薄幾曾遇老來開倦眼獨有好花
樹小盆蟠古根枝條頗叅互細看屈抑態恐失蕭
散趣密蕊周數層虛窗與深護庭柯猶粒綴雪瓣
已紛布固知栽培功為澤勝甘澍受質等自天滋
榮得人助我行逐枯蓬東侵海孺霧連朝春風惡
宿留不成去宛然對同心臨分尚依慕世事一流
飈陳跡總漂寓緬思舊書堂淚下如凍雨

舟中見雁

避花江上雁却返塞雲長底事翻南嚮神州盡朔

方半春淹雨雪一物感炎涼海曲衰年路含情看
彼蒼

金羽皇與余有中表誼今年已望八道其九
歲時曾見 先母感贈

識我慈親面當君幼學時只今稱耄老數往一淒
其短髮吳霜對前因漢日知春風驚久別良會敢
頻期

示友人

自識高堂燕風花十五迴蒼顏翁不見短杖我還

來海曲新親串燈前舊酒杯一枝如暫寄端使老
懷開

與家實公天言父子

海天漠漠歲華新永日晴船趁好春短跋回憐清
夜雨繁花分照白頭人風雲慘淡知何意楮墨顏
唐愧有神衰疾更無難老術獨應瀟灑任吾真

清明臧庭碩招同李可亭唐石郊泛舟西溪

尋巢燕子未翩翩菜甲初黃麥在田海岸風光驚
熟食桃花消息感流年曾拚爛醉今無分每值濃

春老自憐只喜新知如舊識謂石郊追歡薄暮惜廻船

遇潘修人悼懷天閑

曩時名父歡傾蓋早餉頭綱八餅香歲月不殊春
漠漠人琴安在涕浪浪重來客髣塵中老又上君
家海畔堂浮世久居悲物變乾坤着處有滄桑

胡修來子名謙請字於余字之曰天益

將登萬仞山發跡於平地只此跬步耳日躋俄超
詣崇卑雖殊觀我躬非有二偶然憑崢嶸休矜在

天際况乎錯趾新願言恐失隊冥冥青雲端早以
如崩勵

大道生太虛衆器戒滿盈珠槃與玉敦踰量豈不
傾泛濫旣蒙污狹小亦敗名乃知后土博載物心
和平積氣成山嶽於意靡有爭裒益稱物施君子
以謙鳴

鯁生負介性度隘鮮虛受偏側廻白頭方覺坳堂
醜以能問不能黃海得吾友却畧百行中筮易妙
用九名其子曰謙左次戒趨右君常自教兒輒擬

牛馬走

暇日上君堂弟在子亦從顧而曰謙乎問字於此
翁余嘉命名義實與天道通滿損謙受益昌言謨
訓同抑抑哲靡愚温温庠更崇第無忝象賢百祥
奔厥躬

題畫

憶昨天門破浪行亂山凝素莫雲橫殘春忽覲寒
江色是我鳩茲雪後程

贈修來兼別

孤雲順風翔飄飄向空杳層靄偶然遭因之共縈
繚我昨經海圻走覓故朋好爲我說胡君斯人眼
中少年來頗浪迹新知多草草聞此欲託交愁君
厭衰老豈圖面初識特荷目加瞭謂思一見久及
今幸猶早大舟招我遊俊味勸我飽諒我裝囊澀
餽贖潤枯槁匆匆解維去衣帶成遠道梅花發湖
城東下片帆小重過益恣意追逐淡昏曉此間多
朱頓萬一無文藻高齋讌談暇清製出稍稍展視
纔數行驚歎已絕倒世非乏香艷才致輸窈窕直

教陽羨生不得獨逞巧

君小令
壇場

襖被五旬淹流光

疾於鳥陰氣盛爲霾滿月幾曾皎悶卽把烏絲暗
窗開懷抱毫端拓春空頓覺蒙翳埽我今百憂集
稼穡失維寶房皇鄉園外前路日茫渺生平拙鈍
悲卧起念慮悄飛翰各有羣列駟亦同阜何當連
鴻雁况復顧騷裏行行又判袂執手語難了聚合
豈能常安危願終保天都碧天末夙昔夢魂遶鳴
蜩餞麥秋相將縱臨眺

李大村生日四十韻

之子高門第良材秀杞楠追隨年自少親串樂方
湛誼本由坤母家皆得震男鶴雛來海上雁序落
江南先飯非徒壹同心不待三紫霄儀羽翰赤汗
頓驂驪緬昔書纔受其時亂用饑毒原滋宦寺饑
始弄戈鋌隸伍貔貅散持權鴛鴦貪畀炎誰去蠶
空袖已休蠶浩劫煩興替羣兇競飽酣鼎湖龍杳
杳井甸虎耽耽烈士焚儒服清齋託佛龕而翁與
我父肥遁就瞿曇伏匿箕還學陶甄律早諳稍
知凌健筆輒擬薄華簪馬齒余虛長雞壇汝實堪

入村青卧犢翻籠白浴蟬小弟文場共徐君義府
探謂平音語惟佳許掾理或屈劉惔舊館梅遮院廻
廊竹遶菴楚廷頻反壁燕市故無函欵洽緣慈愛
歌吟任吐含夜闌催換燭酒渴教分柑涕淚哀猿
疊騫騰俊鶻慚計疎成詭遇迹遠傍精藍僞體詩
爭出前修旨互參析疑輪獨契索解笑胡愁注瓦
窺金拙嘗茶稔薺甘班揚俄掉鞅周宋竟爲鐔墨
瀋貽模範溝阨失荷擔民魚悲憶夏官鳥戲徵郊
西邸諸曹驟東郊積水涵集終傷鵠翼隱豈卜龜
弇革雨將沉竈川雲乞變嵐驚魂聞格磔掩耳避
詭謫晚節桑仍挂流光葛正覃他山行採藥何草
拾歸籃謀老非王猛經傳讓李聃只憑雙拄杖把
釣坐風潭

夏日偶咏

久客疲人事歸來長閉門見雲愁稔稻識字喜兒
孫冥晝荒荒送炎天稍稍暄侵凌儕輩減健飯默
知恩

老樹陰層合爭巢厭鳥鳥月來雙榦去春到一花

無桂發偏難大梅欵且漫扶十年如可計留眼慰
桑榆

苦陰

長夏積風雨半載少晴日冰雪始元朝至今苦流
濕却思嚴霜節微霰不可得陰溢愆陽時發洩奚
由塞餘氣昏旦交真宰化育忒南郊膏腴田魚鼈
入而宅瘠壤崇其防去波只半尺雲雷猶在空混
合每歛忽其來如濃烟婦子立變色欣然見夕景
間淡又西沒身老宜歡娛庶免肝肺厄念憂惟杜

康近已謝涓滴蚊虻燈罷張霾霧月難出三歎望
昊天有憾亦何必

寄喬敷四

昔別以暮春望後

向來高宴罷不爲別含悽是日春風歇多年杜宇
啼地分煩問訊人老混塗泥極望無多路烟波空
自迷

中秋前四日招宋旣庭閔蒼崖兩廣文徐西
泠少尹沈靜庵縣尉和西泠來韻

秋當月佳時氣爽肅塵界緬懷同心侶鳴琴答清

籟豈知殷其雷龍髯垂如帶却驚殘暑溽恐藉凍
雨汰俄頃風颯飄無復雲鬢黷賞延愧羣公勝地
罕一快交懽何所似連雁下遠塞仰荷皇天慈低
空謝澎湃

送吳兩峯往京口

因君發興三山去憶我臨江感慨多萬里怒濤趨
大壑諸州奪路異洪河天涵帆席龍潛寐霜動笳
簫雁亂過今日東南還底定海門防汛未橫戈

九日過樂雲杼因留同壺公表兄及舍弟飲

菊下

佳辰過雨晴光動遠郭登高健步難久別故人來
便任初驚艷菊坐同看名殊種貴羅羅立露綻風
開面面團興發復能拚爛醉一生酒琰爲花乾

酒後柬李文臣

酒闌闌入半酣筵薄醉誰能淺夜眠白髮黃華爭
晚暮他山別館共留連寒生臥警姜肱被計拙裝
零趙壹錢曾擬練塘春泊棹恐飭花鳥隔江烟

十月二十四日泊瓦莊篷底無事雜示柏兒

及李壻尺木

常時隔日到此度幾朝行今曩須臾事寒温父子
情寺荒猶聽鼓村小不知更忽憶三巴客年衰萬
里征

謂朱西柯

風騷千古事繼絕在今時欲壓羣公作初吟遷客

詩

謂吳漢槎

有才當陞拙垂死入關遲鐵嶺春天雪偏

驕鄧尉枝

叩門已辭拙冷炙復悲辛白水能凶歲黃金巧避
人夜來愁不寐老去畏將春見說纔頒曆勾芒正

日新

平居牽世務暇豫此津途不語看兒輩微吟怪老
夫激昂千載過骯髒一錢無有句酬清夜星河亦
未孤

風定知寒薄燈殘恐夜分來遲四更月散盡一川
雲近火蠅猶獵推篷雁忽聞熟眠兼爛醉世上太
紛紛

寄李詞臣

猶憑朋好散襟顏老淚無端忽自潛北嚮雁鴻經

歲別南飛鳥鵲幾時還高樓換主迎新客細雨離
羣出暮關倚賴十霜何限事雪雲兼恨壓吳山

輓喬石林

早歲稱先達窮交託舊歡罷歸身未老隱忍事誠
難大度輕羣謗危機中一官向來曾欵語道路慎
波瀾

當君急徵日悔不放舟來只恐投荒塞誰知走夜
臺毒瘍心佛鬱旅櫬路悲哀慮表承凶問驚呼倏
又猜

不得憑棺哭長潛賦短篇大文吾數賞抗疏世爭
傳往歲休官日炎風石佛船白頭相見喜此意至
今憐

日艾過三暑遲余八九春竟看先卽世誰料久爲
人路或層霄近名將兩曜新汗邪遍里井遺恨逸
波臣

和平令行

蒼龍載帝春空徂鹿馬山化爲鼎湖廣陵衣冠指
倦屈攀髯孰爲倪范徒卓哉如臯許吏部我里求

索一個無食人食者死人事斯義何至淪榛蕪豈
知堂堂烈士在引脰膏刃骨肉俱文定曾孫粵東
令明經世頗嘲腐儒宛轉丐活盡科目穀觶逃死
誰丈夫令也倉囊被圍困伍乏擊刺皂罕芻猿猱
辭木匿幽谷旗旛繞郭揚肥胡吁嗟蕞爾旦夕陷
城亾與亾令所圖上云吾守子可去下云父在何
之乎飛鴉叫嘯鼠拱揖拉然槍壘俄摧枯父坐子
侍屹不動三光照耀窮陰途大帥重令欲降令賊
臣來諷口囁嚅厲聲一叱走霹靂掩耳撇淚奔鬼

狐父子同日謁先帝全歸毛髮血染膚蠻烟瘴雨
敢侵蝕紫府碧落行頭顱相國雲初正榮盛士富
清製官陳謨臣忠子孝炳史記家聲萬古難齊驅
後生乃今見致命荒縣益得稱名區人心同然定
感激偉節克成奚德孤當時西江楊文學早已接
踵輕捐軀

任東溟攜酒過徐南宮宅全鎮如燕友及舍

弟

蕭晨數字到柴荆謂我能來話客情落日銜觴人

繼綫堅冰在眼歲崢嶸時當用損驚華饌老畏衝
寒罷遠行醉指緼袍猶可貰綠樽重過草堂傾

開河

芒芒茲坤輿原埜旣云廓四瀆復宗河百川相維
絡譬則人之身壹氣宣衆籥中乾斯成否陰血乃
周作經脉一以遏立見生理索荒鄉雖無腆城築
池亦鑿隅隈關水門會通流其惡邑里賴澄清民
業頗恢拓多年遭汨陘利涉竟非昨元元災害滋
如腹盛矢溺叶重閉支蘭藏蒸變療無藥致此蓋

有由結構橫空落始猶橋梁渡久焉室屋託舟船
徑其下俛伏冥捫摸糞土日填淤塊然異谿壑微
波改平陸灌輸理用錯往者福清公鳩工一疏淪
惜哉嚴斷難僉議卒廢格恭逢賢明府周覽軫民
瘼手持司空檄亟毀水上閣一二興沮撓輿論旣
允諾豫瞻獬廌威霜飈掃殘穽行看元化通永謝
溝澮涸作誦慙清風聊徵萬民若

題蔣淑瞻看梅卷

長懷鄧尉兼光福惆悵花林未一攀何日君能乘

逸興吟詩春曉到其間縈青亂散千家雪界白全
遮半壁山也擬束裝開歲後高臨銷夏洞庭灣

題閔在東小影

碧山學士是同心贈汝清風在竹林今日展圖吟
好句湘烟潭雨一時淡
意度瀟瀟對此君乍拋文墨遠塵氛自來竹箭東
南好留取高秋仰射雲

西齋丙子詩

興化王仲儒景州著

受業黃吉星含譽校

醉歌

堂堂年歲增冉冉齒髮易多謝新景光催促老行
客

遙羨兒童時不省歲月深元日與元夜四節最關
心

老翁顏枯稿小兒語嘔啞送盡高堂人我今猶在

家

贈張曾符廣文

仰天睇征翰，騫飛起遙羨。青冥無空闊，一去若飄
霰。相望百里程，莫覲故人面。春花幾開落，白日如
過電。伊昔登我堂，鈞簾上朝現。披衣初握手，少坐
展深眷。烟艇何匆迫，告歸反鄰縣。老夫浪迹久，偶
得在家便。底事隨浮雲，來往儵顧眄。猶當苦遮留，
却憶私責譴。况持所餉物，非艱具肴膳。簡微君應
恕，過失我自見。蓬蒿迷荒徑，細雨初出莧。庭前數

株樹嫩綠已盡轉，有客辭我行懷中。禁方善廣文，
雖冷官高門羅群彥。旣幸望清光，庶勿惜尉薦名。
虛晚計拙俗薄窮，儒賤授徒滄海邊。飢驅道又變，
晝長卧頗嗜心弱遊甚倦。因思鹽漬好復釋柴荆，
戀從君披清製倘及收書扇。

送顧正其如鹽城

當年渤海賢少爲人，舍長謹遇長桑君。非常獲相
賞，禁方出懷中飲水忽神爽。視見垣一方癥結五
藏，朗診脉特爲名湯。慰起泉壤倉公師，陽慶奇咳

故相彷彿道藝明授受屏絕岐途往顧生淮陰秀年
少不鹵莽卻畧慎其義推讓流輩上遺傳黃帝書
讀解極心想治驗俄精良真訣指諸掌爾家未給
富濟世報宜享所居隔郊扉巾屐時一枉閒庭花
樹發雨後帷帟做來過忽言別欲泛鹽瀆漿此中
有石交張宋壓吾黨因君附短札行必藉吹獎爲
我語兩公烟波苦沆漭田禽終歲飛豐蜡盡室仰
浮雲浩北征何日趁五兩

訪周繁露不遇

細雨滑長道泊船君未知到來無共語老困獨移
時日午桐陰直天清鶴思遲比鄰歸早晚倘復和
新詩

有所思行

四月南風吹麥熟平蕪極望千里綠海濱野老有
所思薄暮叢花舊茆屋請予慨然賦新句月中寄
到臨階讀由來鳳凰不易見仙鶴霜衣自矜獨橫
空厲疾鷲鳥翔縱擊凡毛散爲肉珍禽解語方依
人攫之碎磔同雞鶩世情脂韋絕可憎隱忍包藏

甚蜂毒况乃萬事多失平亮直誰其耐容蓄廣庭
強半敗意還莊語那教悍人服此際從旁侃侃論
左袒右袒心無惡遂令詭道變康衢陡覺商飈振
柔木鴟鴞夜飛鷓鴣弱丐以殘喘焉用逐及逢急
難資匡扶每觀援拯存傾覆丹穴之雛化秋骨故
有餘仁逮庶族而今鄉里漫刺譏大都月旦隨流
俗倘察好惡知善類不辨瑜瑕失嘉玉借問鐵中
幾錚錚看持盤血真錄錄子弟當饒磊落姿光顯
豈必朱丹轂

程二載錫舉子

皇天福善有常理今日程二果抱子自昔看人玉
樹枝中情陴側外莞爾爾家嗣適數世賴門戶琴
書判終始千金屢致難任時半組平加却銜耻聊
復悠悠歲月逝可憐鬱鬱車裘裏憶昨後堂深畱
幙三五明星帶女士料得投懷定夜光詎須入掌
信如此長淮大河莽東下西齋階砌行秋水愁劇
無端想到君雀躍若轉豐年喜岐山歌本托之麟
豫章木莫良於梓汝雖將衰頭未白兒當日弱衣

更紫老夫老眼漫指摩英物騫騰倘能俟世上殊
多八十翁安在吾願成虛詭程二大笑遙謂余冀
君誠踐斯言耳

送閔曠齋如淮陰

壤接非長道帆歸不幾時已多難別意一賦贈行
詩楚雨炎天歇湖蝦晚飯宜濁河煩訪問民命久
如絲

胡修來邀仝錢文度坐文素較書舟卽事六

首

水減平陂舞燕低畫船猶自樣青畦莫辭蕩到前
川遠赤日團團懶向西

乘興聊爲野外遊僧蘭隔在水南頭官今若覓慈

航渡繡被香熏接引舟

初擬訪僧舍

方塘細浪放生池無數游鱗水面嬉掠削髻雲搏
飯擲一齊深入上來遲

坐久羹傳白雪光烹來好茗是頭綱卿家迷迭知
多少試較風前顧渚香

笑指行廚乏夕春拚將百石博千鍾身今似早難

爲雨不是無晴莫惱儂

修來欲文素強余
飲計杯而酬白粲

缺月難高恐夜遙待乘新漲泛蘭橈兒家似水東
西去半靠垂楊半板橋

懷先遷甫東鄭東邑

九龍橋外鑿江路屢擬扁舟問故人世事那容乘
興去離懷空復與年新江頭花好二三月谷口門
無間雜賓料得高齋燒燭話烟波東下及垂綸

哭朱菊山九首

百卉爭春風榮華宜衰索誰知歲寒松蕭蕭望秋

落嗚呼盛夏時冰雪四天作摧折辭崇丘萎黃赴
哀壑頂上危巢覆號叫鬻子鶴珍羽失因依將恐
鷲蟲攫未蒙匠石材虛擬巨室託栽培古有言斯
理費咨度

束髮工文章揮筆許誰先於刃維青萍在駿則赤
電徒冠百戰軍不得一第薦蹉跎過強仕季女悲
婉變毛義自有母奉檄能勿羨吏道今多端君身
豈終賤戒途前年冬瞻顧景物變皇皇嘉林花化
爲荒郊霰平生抱孤憤念此中如煎閻闔真宰深

上訴奚由見

五湖水波揚廣陵名都邑惜哉岩巒無徒見車馬
集武陽秀出泉土物矜玉粒扶輪隨飄風墮此江
淮國顧望東南雲永歎如異域年齡尚強壯旅舍
過四十存沒銜親恩將矯負天翼豈知千金身一
夕鬼伯得吳關杳茫茫江深不可測思還舊家山
躑躅冥途黑

有翅可遠飛繞林戀勞劬柰何生爲人不如反哺
鳥先公宰劇邑鐫秩大吏誣簿案頗多端留滯江

淮隅慈闈幸良食供養而兄俱何圖歌陟岡瞻望
雙眼孤伏枕發哀吟哀吟詎妻孥身當奉老親能
復起此無白日已崔嵬割恩登冥途願毋勿號天
棄置懷中軀

菊山病中有不起
誰當奉老親之句

分手乙亥冬定交戊辰臘中間七寒暑去來多離
合離合雖有期此心時相洽飛光導逝波驚颺一
朝颯昨年維夏月郡舍簪喜盞今春羈海陬兩迴
見書劄從人問消息不得到卧榻書中亦何言所
苦近加雜將無復見難卽恐長往溘小弟揚州歸

早已視含押我居友人家吞聲但嗚咽有淚如洪
河何時潤雲鬢

當年酒徒聚日飲不暇慵我歌十二人人人各自
雄馬逸聽鳴枹君也實師中謂余亦勁敵往往能
橫衝小巫嘲秦生送難懷吳公蔣叟嗜急觴觴注
已復空哀哉此三君故新遊岱宗君又舍我去倘
乘浮雲東我從前年夏一病成龍鍾因之遂止酒
竊比柴桑翁感君勉愛身笑言庶久同餘生抱衰
質悲憶諒有終

傾懷復何事相見常論詩俗學有妄庸心竊厭薄
之野花有佳色行雲無定姿工巧失自然感會詎
強爲此道難衆契賞歎良獨知君才絕流逸尋源
謝路岐興至吐清音超超軼當時方藉酬倡深忽
與楮墨辭挂壁病中句寒天君所貽火傳竟焉託
嬌女非男兒

我今六十餘在世住非久悲哀能傷人當復過時
否欲抑不自禁失我忠告友平生疎嬾成面交背
云醜論著七八年舉世未見有疾困來相箴諄諄

益苦口書到半月前哭君半月後開篋味遺言
滯淚霑手奄忽痛摧心夙昔罷回首縱得千秋名
名虛骨先朽

嗟嗟城東居賓客日盈坐其始皆老蒼酒賦相倡
和晚結年少遊車裘堂堂過和光同其塵欲使羈
愁破就中有英傑艱大能負荷良由情性真非但
氣力大如今夏屋傾平地得坎壈母女竟焉依寡
妻太柔慳貧交多無益只解號楚些再拜高義人
扶顛幸好作

謂葉東子

舍弟以五日見懷詩寄吾寓館和答二首
如霜頭髮混埃塵端午風光客舍新感舊總非衰
後事爲歡不是眼中人難傾濁酒酬佳節只送殘
陽下遠津忽把來詩破岑寂柴門回首負松筠
三十年前荒海塾心情憶似下鞦鷹長成散木時
終棄遣作蒙師老更能照室遠分苔砌月收書疑
待草堂鐙歸裝直待涼秋發恐汝江天興復乘

喜雨

夏至前二日

望逼三時日來非一面雲氣從亭午動聲是去年

聞短至陰先漏深流野共分風霆殊未厲詎肯出
斜曛

西北雷初震田園在半途遙知百里澗未有一村
無白水關生事紅鮮急老夫魚蝦小人利艇子競
相呼

得履菴雪田書

數紙傳來西日殘萸灣東北道途難近郊荷滿開
還未中谷菴生濕亦乾漸逼名場知興發頻投佳
句使愁寬諸君努力凌秋去且讓衰翁獨晏安

余來何阜故人臧君庭碩之子孔哲與友人
胡修來留余讀書而各以其子從學孔哲
闢廳事之西偏爲新齋延余居之齋高潔
通敞然東南鄉不宜夏日修來別埽室於
所居之南遷焉余五月朔居此而遷以明
月之二日此月小盡則卧起正三十日矣

書生賦命定窮薄哀羸不顧筋力弱編籤卷帙趣
治裝擔上孤舟似行脚湖波冥冥野風起應候雨
稀田少水全家三十口在身無階可索長安米久

經暄冷時世情白頭青衫尤所輕焉能隱忍叩門
戶言詞鈍拙魂夢驚過從執友念疇昔却向荒涂
賞標格頓教浪迹羈棲人免作失路飄零客已看
興發營精廬臺高牖拓灑埽初曲房吟嘯頗宕佚
彌月心神還展舒詎因一朝舍之去扶桑揚光射
庭著杲杲惟宜冰雪期輝輝惜與炎蒸遇廣厦南
頭煩細尋主人意厚逢清陰暮年刺眼是離別雖
復暫住感亦深檢點遺忘徒敝簾漸交小暑暑將
酷曾擬浮瓜開北扉送老城中舊茅屋

客何阜作

老去難爲客端居定未能行惟長跼躅夢亦不騫
騰世短悲塵海神衰畏夜鐙平生累何肉欠作住
山僧

仇履菴至

暑濕羈離日傭書久未回別君纔一月何意已重
來得雨舟航便還家茉莉開不須論世事浩劫幾
遺灰

臨發別主人

暫許衰翁免客愁因逢時序夏應休一經未授真
尸位滿篋能攜卽壯遊此去夜涼兒女話重來天
淨黍稌秋心期久托形骸外多謝微風送小舟

舟過顧莊悼遷西兼傷顧爾牧

孤舟長日坐傷魂刺眼颺塵不可論老客百年生
理味雨天六月水雲昏猶餘稻蟹迎秋社無復茶
瓜就顧村神駿銷沉仙鶴去支公揮手謝乾坤

遷西

曾以蟹餉

季楚珩生日

七月二日

晴軒酌酒放高歌君復堂堂四十過世上浮雲吾
輩賤花前爛醉此生多幾人白髮分銀燭每歲黃
姑倚絳河憶昨論交年最後老夫猶健共婆婆

范心淵拙存兄弟見過

帆色孤城外花光小院中一譚忘永晝昨日隔遙
空不見青雲侶誰憐白髮翁平生懷古意去就畧
相同

水至作

飢來驅我去未知適誰門時命旣困窮後先如共

論堂堂陶與杜萬古休光存而其當阨日低頭畏
盤殮生居大壑中洪流長年奔齋貸庀東作倍還
猶感恩豈虞收穫近卽見茨梁屯忽焉青青田湖
江浩以渾餒在復追呼忍看幼兒孫稍知親楮墨
一飽悲難言穆清香蒼蒼九關方倚闈思霑故人
德欲語聲已吞縱使緩急通曷若秉穗繁波臣恣
攫奪何由洗沉寃比夕空際響似鳥羣飛翻或云
所漂穀此說無本根晝疑誠然寐夜驚何處喧側
身望天外高義餘乾坤

八月雜詩

辨色迷秋序聞聲問水痕西風萬家邑大澤一孤
村卷屋如萍去爲雷殷地奔先人墳墓在蛟蜃未
應屯

仰面移時立清都在上頭鈞天還聽哭陸海直煎
愁弱肉肥豺虎殘春耻豆區豈宜生萬物之死意
悠悠

名川春泮凍使者出京師珪幣隆無替河淮冥不
知曠乾當暑過昏墊及秋爲未了菑祥故憑人問

祝釐

苦被荒鄉累真逢浩劫窮寧知廿載過不見九農
豐報蜡遙天外其魚定分中兒曹書莫廢此物重
龍宮

時時凍雨集霑濕若爲情近郭全吹浪居人亂上
城枝撐向風日跛倚立柴荆急作催寒信浮空鼓
大聲

階庭初爽塏顧盼已汗邪覓杖行登木移扉縛作
槎暗漂能語蚤先倒斷腸花沃沃離披盡無知亦

有涯

送舍弟如泰興

片帆南下浩波瀾城郭何時后土乾近日形容加
老瘦凶年眠食少平安臨衰作客寒猶出屈指還
家臘已闌欲報故人書未及蕭蕭愁咏與同看
滿眼烟光碧一城異時何限客中情雙栖到老分
雲樹獨去無歡仗友生霜漸零空寒水定雨剛敗
穡暮秋晴何因得就高原住免使彭咸入夢驚

客延令凡

九十餘日

西齋丙子詩

古

夢華山房

哭解退菴

老去尤憐兄弟歡春來頗怪倦加餐田園失業憂
生苦巷陌成川見面難治木尙銜懷石痛銘旌真
用廣文官傷心少日諸同輩總作霜林敗葉看以君

宮保沉江旅殞
遺命薄其匱材

坐對西風哭所親浮雲逝水送前因九原君見同
堂妹廿載吾拋舉案人老泪漫霑青竹暮流光偏
作白楊春還思夢覺須臾事桑扈嗟來已反真

不寐

流年漸崢嶸微生行衰謝憂來杳無端日往詎相
借獨醒初寒候未艾方長夜弦弛西景澹窗鳴北
風大湯湯虛耗歲耿耿神明舍願言脫波濤何由
覓桑柘靜思小過理飛鳥遺音下

曉坐

漏鼓寂不聞雞聲何處亂家祭宜夙興警懷自夜
半十月霜信遲秋序待時換泥泥濃霜隊歷歷衆
星爛我生本暇豫閱世少伴負少壯莫可追衰晚
竟多難薄躬貧以病惡歲水繼旱俯首悲先疇摧

心向平旦栖烏飢更啼過雁驚復斷幾日掩荆扉
于行發三歎

封書與大兒漢柏寄餘姚韋令

衰顏斜照裏望遠一含情南浦書重寄西風水滿
城琴堂問朋舊劍缺老儒生獨送兒曹去江關重
此行

登舟赴何阜

浮舟出郭東白浪動寒空不辨還家路曾無送客
風故人猶惻惻晚歲獨匆匆坐憶松圓老如塵日

遠鴻

過卞村

綠樹爲農地遙臨感歲窮村墟平土外舟楫亂流
申高岸今何在殘陽亦不同久荒投老計回首見
征蓬

曉望

我行江海合不復辨雲山目盡遙天外神傷小縣
間帆光孤自動鳥影一無還舟子猶疑問空波何
處灣

立冬後三日寓堂看月

昨宵野艇波間月今夜清齋月下樽
老興頓佳能一醉窮秋已送莫重論
更闌改席添碁局人散吹燈閉院門
徙倚南榮盼寒兔孤光何代滿乾坤

雨中胡修來過話

今朝小雪羣雲合晏起無歡只閉門
海岸多泥人到少書堂未夕雨來昏
愁中肺病難勝酒客裏天陰易斷魂
特地携壺燈下話老懷偏側感相存

西齋丁丑詩

興化王仲儒景州著

歙州黃 又燕思選

題李虬峯小像

我昔命工寫小像衣裳衰博首不冠
圖成頗遭俗眼怪謂此只可懸僧蘭
世情好憎久偏古下喬入幽羣相安
焉知我曹懷抱異若輩類蟲方轉丸
今朝展卷驟驚視老夫顏狀誰摹看
徐而察之覺非是絜量標格吾微胖
我生與君皆甲戌長者夏初

少夏闌遭時大率亦髣髴遲暮身並無羽翰我獨
對君私愧負績學嗜善如君難片瑜零芳費鈔記
遺經舊史潛研鑽著書年年漸充棟覓句日日常
忘餐由茲擅場體製備自今壽世金石刊况君天
資亮以直往往奮砥東顏瀾半辭否臧義形色流
風波靡聲發歎我汝親串復交友少壯相得老益
歡畫師但肖君面貌未若我寫君肺肝踞石凝思
會有適拈管妙緒來無端生香多謝老梅樹長伴
先生開歲寒

朱房山八十

凌寒曉起拜高軒未得登堂只到門落魄形容看
我老周親年壽數君尊生辰尙寄神宗曆胄子原
霑異代恩何限詩篇闋篋衍好鐫金石散乾坤
一水橋通路不迂豈忘歡笑與時俱先公昔較三
年長大耄今看一老孤稼穡漂沉稀宴樂鄉關判
隔飽艱虞逢辰感憶多春事許向尊前悉數無

偶然作

岱雲觸石生儵忽膚寸聚九野何迢迢崇朝逼其

雨餘霏不成潤飄零置何許澤枯諒已希爲霖復
焉取根源詎不同細大非可伍天風亦何心空際
漫吹汝

奉贈從叔舅李五十八翁

我爲龍門甥落托愧宅相未曾背慈顏諸舅已淪
喪廿年痛免懷外家遊處曠榮枯各異遭困者竟
靡仰北街每經過愁眄塔寺巷東城城關外韋杜
近天上文定諸曾孫巋然丈人行先生垂耄耄甲
族尊序亢見舅如見母隨步非齒讓吁嗟大宗廢

復古俗滋謫三公設祠堂長幼禮猶尙法祖訓後
嗣先生道應抗我聞世祿家由禮不流宕傲狠兼
回適慎旃爲周防豈惟先澤綿亦使吾軍張先生
耽讀書經史日相傍心知斯義大所貴風力壯小
子雖異姓骨肉共愉快自反孤先德踧踖言無狀
千秋祭鄉社永跂族姻望

和荅程仰公

衝寒北歸雁一路少晴沙發歲春無力橫天雪作
花送行悲判袂感舊記年華未定過從日江桃散

暮霞

送舍弟如延令

秋風憶昨送南行
新雁微茫間一鳴
二月峭寒連夜雪
驚飛都作念羣聲

江鄉朋舊待相過
異縣風光此地多
十院寺邊無限樹
只今留得幾霜柯

雨中投陸天隨

三年夢結三塘上
荒店投車宿便行
長恨雪天歡不展
再來春日雨難晴
頭毛舊落頻看慣
牙齒新

無乍見驚此去東皋如久住
音書非復隔州城

清明冒無譽招集留耕堂觀梅

堤楊嫩葉夜來生
早趁風光挈伴行
開到梅花春已暮
經過寒食雨纔晴
幾年高館羈愁破
斜日繁枝老
眼明襍被自今還
小住追歡無那主人情

雨後登望江樓

夙心愛憑高以言騁
曠觀維揚所隸邑
什九無巖巒
茲鄉平皋濶一雨
空樓寒朋好開廣
宴攀梯臨朱闌
城中翼瓦齊湫隘
曾無端郭外土田
闢歷歷

蓬居安大江橫其南春風浩波瀾蒼蔚沓絕岸葭
茨蔽驚湍參差江上峯遠碧烟漫漫會教衰昔入
稍遲夕照乾徒倚獨移時意緒忽不寬海光落我
里四顧惟凋殘

荒縣城北
有海光樓

望樸巢舊址有懷巢民先生

高樓做虛櫺閒眺雨亦好微茫辨阡陌故事廢尋
討指點睥睨南喬木今不保樸巢傳聞久愴然話
遺老昔營樹間屋栖遁用爲寶年深空名存人去
陳迹埽萬物輝春陽又宿墓上草攬涕輟流觀終

古別何早

酬李盤谷

不惜論交晚相看別有情故家無世態老日擅詩
名避俗高門掩尋春僻巷行南朝何限事回首入
前生

與沙元調

榆柳千章覆大堤名園開在板橋西小山碧沼雙
流抱斜日紅桃一縣低地隔烟波來邂逅人無拘
忌快招携長年欲傍林泉住莫遣仙源再到迷

向許公選乞香

江樓曲宴坐聞香絕品遙知出粵鄉青鬢冶容人
不見博山沉水興曾狂從強獨寐虛春夜願乞餘
芬寵客牀此事貪婪君莫笑世情多少學蠅娘

詠壁間畫松

方壺老翁滄洲客善寫古松蠹空碧奮筆峩峩萬
仞落手量不盈四五尺曾於市門買長幅慘淡支
離雲霜色地間笙竽含小窗天淨龍虬走東壁貧
家米盡睨畫圖卷束投人莫容惜今朝雨過登君

堂紅藥半謝蘭蕙香風吹松樹樹更靜但覺繞身
凝翠光兩株鐵榦幾時出三春故練何處張衰軀
浮游少根蒂羣卉艷冶爭芬芳徘徊注目屏幃上
不到千年無此蒼

宗道士茶話

紅濕桃花路初乾曳杖前爲尋滄海客同坐鬱羅
天宿霧沉微日春寒過禁烟我衰無意緒邂逅亦
懽然

贈錢筠雪二首

襖被住經旬不知君比鄰巷孤前夜月花入短籬
春樂子無家累何年免客貧篋中名父集捧出淚
霑巾

我友余高士言君道氣多五山家久棄一子老同
過口尚貪茶薺衣曾晚芰荷閉門欵白首時復仰
天歌

初夏雨晴拙存招泛舟長歌

閨月江皋雨相續早起沉陰匿清旭主人喚客登
畫船岸柳垂垂漾空綠前聞邪許移橋梁却顧縈

紆辨郊牧鬱葱原阜氣最佳鬼峩室廬場初築稍
留旁舍問花事漸喜遙天坼雲族解纜無憂縱所
如分曹作樂誰能獨雅惠容辭卽席詩孝思特廢
彈箏曲勝敗看殘碁始罷梟盧叫絕杯爭覆嗟予
侘傺且稽故牙齒缺落頭毛禿一笑風光春再暮
幾回眠食旬經六終朝只類鷹在韝今日頓教鶯
出谷王喬壽命難與期晝夜歡娛苦不足繞郭蒼
森松檜合豈惟白楊是宰木太息千年潛寐人可
夢生存住華屋丹藥竟已失幽討窮愁那更增煩

促我今羈棲少歸計心知婦子枵其腹荒鄉遠愧
壯哉縣陵麥青青敵秋穀朱暉醉裏俄西頽猶向
城東騁遐矚城東是走崇川道翠嶽軍狼碧霄矗
老夫面熱狂態發九州五嶽渾拘束黃金之闕高
班璘滄海帆檣亂於鷺從君乞求往遊觀奮飛拋
下扶衰竹

送洪超遠反新安

陵陂麥秋至農家喜青霄南風蕩陰靄密雨乘空
飄落日變初燠已晨涼蕭蕭來牟一以病食新何

能饒客心彌不怡我土遙漂搖困泓抱城郭連隴
無良苗深荷地主意肩輿晚相邀座有江外賢投
分亦未遙方申縞紵懽早覺鄙吝消華年秉高義
暮齒慚清標人生如飛翼邂逅寧夙要異縣余仍
羈故山俄君招分携諒非久契濶殊不聊吁嗟士
隱貧况乃才力凋遲君挂帆席秋下錢塘潮黃海
扶老籐爲劓垂巖條

刁綸音箴牧父子招同公木仙根無譽劇飲
雜縣風翮魯門垂鐘鼓喤喤眩顧悲灑落朋情拚

醉日陰晴天氣熟梅時滿浮巨椀持來笑散坐殘
陽別去遲向夕孤亭雲雨密頽然徙倚隔林陂

戲和洪蒼崖珠兒絕句

樂部傳頭盡道工吳兒法曲聽來同時人要識珠
娘好只在洪郎四詠中

赤日酸風百不宜賈家橋畔竟忘疲愛他脫葉蓮
還嫩得似芙蓉窈窕時

同心裙帶結難齊野鴨鴛鴦拍拍低不得安他深
閣裏懊儂歌罷數行啼

蓬山不分信音乖愁壓高天少地堦白紵舞殘絲
髮亂橫人膝上按花釵

郭外

郭外扁舟路看人次第行流年悲馬齒終日坐鶯
聲決口秦亭驛波心楚將城稻梁殊恍惚白首若
爲情

和舍弟寒食梅花

雪後曾相覓經時信轉賒一寒過熟食三月始繁
花暮雀兼鶯入春塘帶柳斜因風報鄧尉惆悵此

年華

張良御薛方平招集堯采別業坐有朱較書
善飲分得三肴

陸家夾鏡好莊舍刺眼良田滿近郊一到已成三
夕笑此遊真遣百憂拋春聲繚轉行雲上夏日徘徊
老樹梢鯨吸獨看紅粉健自嗤杯水覆堂坳

同泰州宋一水話寓園宋住港口余十六七
歲時在其家限然字

炎蒸此歲勝常年昨夜水輪空上弦節氣正臨庚

日伏土風偏坐午時筵沙頭酒盡曾揮椀港口雲
寒舊泊船話到休兵輕執熱王師今已破柔然

送張漢瞻歸嘉定爲母壽

纔辭燕市拂征衣又挂吳帆別釣磯北道風光何
日對南陔詩句滿囊歸前程背負蒼蒼色寸草心
連旦旦暉不爲朋情增感激似君家慶我曹稀

吳大兄言八寶喬子丹柘溪菊甚盛詩以索
之

風濤歲月送生涯板齒淪亾歎輔車卧入天秋如

隊葉行求露菊少垂花茅齋落日中兄語柘水高
原異種賒疲茶未能移艇過瓦盆煩遣餉貧家

因子丹問訊雲堂陸舫密之無功敷四

白田雅故憶諸喬道路纔餘百里遙荏苒心孤斷
書札蒼茫秋晚向風颺經時卧疾常餐減獨夜無
眠短燭搖憑索寒花遍通問若爲隣比始愁銷

碩存表弟餉菊

廿載西風兩眼孤九秋庭院一花無辛勤繞圃煩
中弟迢遞傳香到老夫種別名多須細問枝交藥

疊待重扶可憐累月顏開少相對連朝病似蘓

九日二首

北風三日布衾涼側枕鄰雞促曙光隰野沉陰歸
積氣嚴霜初節入重陽其日霜降強支病骨登城去驚
見寒濤似海狂老困憂生真大惑笑扶叢菊上茆

堂

清霜又早降佳辰老去逢秋感愴頻憶買黃花浮
一葉歡持碧酒侍雙親多年亂竹無荒徑舊屋殘
陽別主人今日張燈對寒艷不能霑醉却霑中

九日虬峯大村來談菊下

欵扉日昃到羊求布帽遮風得自由妙理開心應
愈疾寒花當令各爭秋登臨往事隨黃葉爛漫年
芳亂白頭杯酒只今吾已謝獨餘粗糲共遲留

抱犢翁青溪洗研行爲程韋華作

舊京景物空大存前輩風流不復見千古歷落嶽
嶽人要憑畫手開生面嗚呼萬事盡失真請觀書
法昧體變雲間家珍尚姿媚日下赤瑄矜儂便書
貴瘦硬方通神我曹氣骨非婉孌翁今抱犢耕何

山蕩胸只許澄江練興酣落筆鍾陵畔走向城南
來洗硯世人買硯累千金滑隱波濤光燁電故繭
藏墨松狗毫羅列事事皆精繕利器徒充眼中物
可憐臂指柔於綫當翁滿志躊躇時別傳教外天
真現馳突唐初揖晉賢妄庸誰子偏斜眄惆悵殘
陽洗硯歸沉雲萬縷溪風吹凡介常鱗漫吞吸恐
爾踴躍變化撥刺衝天飛東流莫便朝宗去好浸
朱方壑鶴碑

送補菴入山

改服逃儒去辭家采藥行風流似我友吳叟在宣城
白首遺民泪青山故國情老夫空抱病閉戶養
殘生

上山左陸天藻學憲

百谷驚江壯千峯避岱蒼大賢居自峻雅度器難
量弱冠親芳躅多春夢耿光雲間溯華胄天上步
康莊榮進巍科定紆迴勁翮翔搏扶看秉憲需次
憶爲郎道在無凌競經明本直方五倫並衡鑑三
禮最周詳魯國儒原一鄒巖望匪常風行知偃草

雨化早升堂往歲金臺側清秋石鼓傍久睽疑面
貌乍見獎文章恰隸先生舍重班弟子行空慚九
折臂倏駭十飄霜跼伏烟葭宅橫頽雪浪防苟焉
全性命尚爾愛縑緗疾作形羸瘦心孤興激昂軒
櫺思奉席驛路怯垂韁著述還紛藉流傳獨森茫
公能憫湮滅身後荷恩長

寄舍弟二首

倚杖巡檐送落暉澤鳧沙雁晚爭飛天荒晷短催
年換病久心孤望弟歸復憶兒曹迷遠道何當婦

孺少寒衣良朋苦勸寬懷抱回首家庭萬事非
忽忽端居不自怡禁方空復問良醫三更夢醒推
衾枕一飯天艱送老羸惡歲錢刀荒縣斷霜風津
驛遠帆遲關門煨芋寒燈下心絕平生爛醉時

和大村

大村在郡聞余病劇爲詩追念平生推本
先母意甚悲辛反復感詠作此和之

音容廿載北堂沉小院全無老樹陰病裏愁牽人
遠別生前哀挽日長吟一歸巨室千端畢但說微

名萬古深多謝周親相念苦倘留衰朽待重尋

冬至

老來日覺時加促冬至心憐晝漸長伏枕多醒真
市杵催人早起看簷霜百年主客茫難料比年多
在客途
一氣乾坤浩未央冰凍庭隅暮銷釋已傳春信到

窮鄉

和吳凌蒼詠烟草

小草生炎徼何年過嶺來太平中土禁風氣塞垣
開夜黑求鑽燧天寒當舉杯古皇曾不識異種晚

誰裁

答李大村歷城見夢詩

委形安命意仍閒把誦來詩涕忽潛遠道豈知
夢去殘生真待故人還難加餐飯空皮骨久犯風
沙在面顏寂寞情親何夜事嚴霜落月滿齊關



